

元代子部書 三卷

元

代

史料刊
史叢
初編

黃山書社

欽察汗國

汗國

阿里麻里

察

伊利汗國

嶺

新

夏政院

度

度

元代子部書 三卷

元
代
史料
叢刊
初編

黃山書社

古今事文類聚新集

欽定四庫全書

古今事文類聚新集卷一

元 富大用 撰

三師部

三公

歷代沿革太師太傅太保古官唐虞有百揆之職即三公殷太甲以伊尹為太保紂以箕子為太師周成王立太師太傅太保為三公少師少傅少保曰三孤以

欽定四庫全書

貳之至是始有定制三公之職論道經邦燮理陰陽
然未嘗備官周禮有六卿無三公周公以冢宰兼太
師則三公止為兼官而未嘗有專職可見矣秦不師
古以丞相御史大夫太尉為三公漢襲秦舊哀平間
以大司馬大司徒大司空為三公復置太師太傅太
保始尊師傅位在三公上謂之上公後漢魏晉江左
因之後魏特尊太師太傅太保為三師非勲德崇重
者不居而三公則魏晉之舊也北齊因之後周遠擬

周制置三公三孤以為論道之官隋唐復依魏晉之法置三師三公三師不主事三公參議國之大事置府僚無其人則闕宋初無所改政和二年詔司徒司空周六卿之官太尉秦王兵之任非三公太尉司徒司空並罷依周制立三少以貳三公紹興復置太尉於三少之下元以太師太傅太保為三師太尉司徒司空為三公漢唐舊制也三師師範一人儀刑四海三公論道經邦燮理陰陽

羣書要語立太師太傅太保茲惟三公論道經邦燮理

陰陽官不必備惟其人書周坐而論道謂之三公禮冬

朝士掌建邦外朝之法面三槐三公之位焉禮秋保保

其身體傳傳之德義師道之教訓此三公之職也前漢

傳三公者內與王論道中參六官之事外與六鄉之教

地官鄉王之三公八命及其出封皆加一等春上公九

命為伯同上公之禮執桓圭九寸纁藉九寸冕服九章

建常九旒樊纓九就貳車九乘秋公佩山玄玉而朱組

綬記五鼎折足覆公餗注知小謀大不勝其任也易鼎卦

三公者何天子之相也公三公總方而議則天子恭已

而已矣荀天設三光以照明天子立三公以明理桓寬論

三公銓時論道袁宏名臣贊三公者百僚之奉萬民之表也

漢詔三公天子之股肱也崔寔政論

詩句三公運權衡李三槐老更茂東坡蟬冕三公府山谷三

師禮數重山后一為公與相潭潭府中居韓明君越義軒

天老坐三台李五雲多處是三台杜五嶽祭秩比三公

欽定四庫全書

古今事文類聚 古今事文類聚新集

韓文衡
山詩

公望冠巖廊

唐楊巨源詩

鍾鼎勲庸大山河誠誓長

道協陶鈞力恩回日月光一言歸社稷九命備圭璋

同上

古今事實

槐鼎之任

任
漢光武尤信讖言以王梁孫成名應圖籙越登槐鼎之

冠冕百辟

齊職品令冠冕百辟從容論道自非勲崇德重無以居

之

委任三府

後漢郎顛拜章曰選舉牧守委任三府注三府三公也

三公總務

代宗大曆四年詔西漢以二府分理東京以三公總務

一統萬類

王嘉傳君以道德位在三公以總方略一統萬類分明

善惡為職

職典天地

晉衛瓘奏曰三公職典天地寶掌人物國之大事取義
於此

調和陰陽

漢丙吉為相出逢牛喘吉問牛行幾里或以譏吉吉曰
方春少陽用事未可太熱此時氣失節恐有所傷害也
三公調和陰陽職所當憂是以問之又傅子曰三公佐
天子理陰陽無所不統又說苑三公正天下調陰陽節

風雨

位典常經

漢王尊劾丞相衡御史大夫譚位三公典五常九經以
總方畧一統類廣教化美風俗為職

詔糾非法

後漢章帝二年詔春秋之義以貴理賤今自三公並宜
明糾非法宣振威風

秩號萬石

梁制十八班班高者為貴上公班第十八秩萬石

注 六典

又漢制三公號萬石

象鼎三足

後漢彭宣傳三公鼎足承君一足不任覆亂美實又環
 濟要略云三公者象鼎三足共承其上也又楊秉傳三
 公鼎司無所不統又顯宗紀永平六年王雒山出寶鼎
 詔曰鼎象三公豈公卿奉職得其理耶又韓非子背私
 曰公象鼎足也數三者法三光也

朕之腹心

師丹傳策免曰夫三公者朕之腹心也輔善相過正率百僚和合天下者也

人之喉咽

春秋合讖圖曰天理在斗中司三公如人喉在咽以理舌語宋均注曰斗為天之口舌主出政教三公導宣君命諭於人則宜如人喉在咽以理舌口如言有條理

開德宣符

天文上三台六星兩兩而居起文昌列抵太微一曰天
柱三公之位也在人曰三公在天曰三台主開德宣符
也

昭德塞違

三台六星西近文昌二星曰上台為司命次二星曰中
台為司中東二星曰下台為司祿所以昭德塞違也

主宣德化

天文志杓南三星及魁第一星西三星皆曰三公主宣

德化調七政和陰陽之官也

猶天三光

漢成帝時何武建言國之輔佐必得賢聖然猶天之三光備三公官各有分職宜建三公官分職授政以考功效又蕭望之言三公任非其人則三光為之不明今歲首日月失光咎在臣等

前本傳

天之三階

漢東方朔對武帝曰願陳泰階六符應劭注曰泰階六